

ТОШКЕНТ ОҚШОНИ

2006 йил, 3 ФЕВРАЛЬ, ЖУМА

Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 23 (10.580)

Баҳоси эркин нархда

ПОЙТАХТНИНГ Бир кунни Янгиликлар, воқеалар

Каска сатрларда

• **КЕЧА** "Соғлом авлод учун" жамғармасининг Тошкент шаҳар таянч масканида Ҳомийлар ва шифокорлар йили муносабати билан Тошкент шаҳар хотин-қизлар кўмитаси ҳамкорлигида "Аҳоли саломатлигини муҳофаза қилиш" лойиҳаси доирасида халқаро ташкилотлардан келтирилган муруват юқларини тиббиёт бирлашмаларига топшириш маросими бўлиб ўтди.

• **БУГУН** Шукур Бурхонов маҳалласида "Маънавият ва маърифат" маркази, "Маҳалла" жамғармасининг Сергей туман бўлими ташаббуси билан Ҳомийлар ва шифокорлар йилига бағишлаб ўтказилган давра суҳбати "Жинойатчилик ва ҳуқуқбузарликнинг олдини олиш — давр талаби" деб номланди.

• **БУГУН** "Нишаб арик" маҳалласида "Маънавият ва маърифат" марказининг Учтепа туман бўлими ташаббуси билан Ҳомийлар ва шифокорлар йилига бағишлаб ўтказилган давра суҳбатида маҳалла фаоллари ва ёшлар иштирок этишди.

• **БУГУН** Республика Гематология ва қон қуйиш илмий-тектириш институтида уюштирилган тадбир қон қуйиш муаммоларига бағишланди.

• **БУГУН** "Ташэлектростит" очик акциядорлик жамиятида Бектемир туман хотин-қизлар кўмитаси, "Маънавият ва маърифат" маркази, "Адолат" социал-демократик партиясининг Бектемир туман бўлими ташаббуси билан Ҳомийлар ва шифокорлар йилига бағишлаб ўтказилган давра суҳбатида маҳалла фаоллари ва ёшлар иштирок этишди.

• **БУГУН** "Хумоюн" маҳалласида яшовчи ёлғиз қари-яларга Қизил Ярим Ой жамиятининг Мирзо Улуғбек туман бўлими томонидан дори-дармон воситалари тўхфа этилди.


• **БУГУН** Ҳамза туманидаги Зебо Шамсутдинова маҳалласидаги 216-мактабда "Қамолот" ЁИХ туман бўлими ташаббуси билан "Балли, йигитлар" кўрик-танлови уюштирилди.

• **ЎТГАН** кунни "Қамолот" ЁИХ Собир Раҳимов туман етакчилар Кенгаши ташаббуси билан 100, 106-маҳсуслар интернатлар тарбияланувчиларига эсдалик совғалари тарқатилди.


• **БУГУН** Юнусобод туманидаги 9-мактабда "Маънавият ва маърифат" марказининг туман бўлими ҳамкорлигида "Шеърят мулкнинг султони" мавзуида ўтказилган адабий кечада ўқитувчилар, ўқувчилар иштирок этишди.

Тошкент шаҳар ҳокимлиги
Матбуот хизмати ва
ўз мухбирларимиз
хабарларидан.

**ПРЕЗИДЕНТИМИЗ ИСЛОМ КАРИМОВ
ТАШАББУСИ БИЛАН ТОШКЕНТНИНГ
ЭСКИ ШАҲАР ҚИСМИДА БУНЁД
ЭТИЛГАН БОЛАЛАР ИЖОДИЁТИ
МАРКАЗИ ЎҚУВЧИЛАРНИНГ
СЕВИМЛИ МАСКАНЛАРИДАН БИРИГА
АЙЛАНДИ.**



БОЛАЛАРНИНГ СЕВИМЛИ МАСКАНИ



Давлатимиз раҳбари ўтган йили энг улуг ва энг азиз байрамимиз — Истиқлол айёми арафасида янги бунёд этилаётган мазкур маскан билан танишиш чоғида марказнинг нафақат меъморий ечимининг мукамаллиги, балки ундаги тарбиявий-маърифий жараён, ёш авлод тафаккурини ўзига хос ўрин тутувчи йўналишлар бўйича тўғараклар очиб боради ҳам тавсиялар берган эди.

Бугунги кунда марказга шахримиз ва пойтахт вилояти туманларидан қарийб минг нафар ўқувчи қатнайди. Улар шеърят, тасвирий санъат, шахмат, вокал-эстрада студияси, ёгон ўймакорлиги, радиоэлектроника, каштачилик, хореография, компьютер саводхонлиги, хорижий тиллар каби йигирмага яқин тўғаракда мунтазам шуғулланаётган. Марказда фаолият кўрсатаётган психолог-педагоглар болаларнинг кизиқишини чуқур ўрганган ҳолда уларга муайян тўғаракни танлашда яқиндан ёрдам кўрсатмоқда.

Марказда тўғараклар ўтказилаётган хоналарнинг кенг, ёруғ ва шинамлиги, замонавий жиҳозлар, материаллар, техник ускуналар би-

наётган ўқувчилар турли мусобақа, кўрик-танловларда муваффақиятли иштирок этмоқда. Ёш ҳунармандлар Шохиста Файзиева, Раҳматулла Гойибназаров «Қўли гул уста» ҳамда «Зуқко авлод» кўрик-танлови, Омина Каримова, Элёр Сулаймонов эса шахмат бўйича шахар турнири ғолиблари бўлишди.

Либослар дизайни тўғаригида ўқувчилар Камола Аҳмедова раҳбарлигида шу йил февраль ойида ўтажак либослар намоишига қизгин ҳозирлик кўраётган. Айни вақтда марказнинг юқори қаватидаги мўъжазгина галереяда тасвирий ва амалий санъат тўғариги аъзолари ижодий кўргазмаси ташкил этилган. Унда ёш иҳодкорлар яратган расмлар, халқ амалий санъати буюмлари намуналари

намоиш этилаётган. Айтиш жоизки, ёш мусаввирларнинг плакат ва суратлари юртимизда ўтказилган «Тўрт қарра йўқ» ижодий марафони, Ҳиндистонда эса «Шанкар — 2005» халқаро болалар расмлари кўрик-танловида юқори баҳоланди.

Марказдаги томоша майдончасидан боқсангиз, азим шахримизнинг гўзал манзаралари қафдагидек намоён бўлади. Шаҳарни томоша қилган ўғил-қизлар пойтахтнинг кундан-кун яшариб, тобора замонавий қиёфа касб этаётгани, янги иншоотлар, йўл ва кўприклар, кўркам боғ ва хиёбонлар барпо этилаётганига гувоҳ бўладилар.

— Бу ерда яратилган ижодий муҳит ўқувчиларнинг нафақат дарсдан бўш вақтларини сермазмун ва самарали ташкил этишда, балки уларнинг келгусида касб танлаши, онги ва тафаккурининг тўғри шаклланишида муҳим омили бўлаётган, — дейди марказ раҳбари ўринбосари Зулфия Расулова. — Марказ ёрдамида жойларда, жумладан, Шайхонтоҳур туманидаги йигирмадан зиёд мактаб ва мактаб-интернатда ҳам турли тўғараклар очилди. Педагогларимиз ҳар бир ўқувчининг муайян йўналиш бўйича кизиқиши, дарсдан бўш вақтини эътиборга олган ҳолда машғулоти олиб бораётган.

Пойтахтимизнинг 98-мактаб-интернатда фото тўғарак, 42- ва 84-мактабларда миллий каштачилик, 324-мактабда маком, 59-мактабда зардулик тўғаракларини ташкил этдик. Улар фаолияти янада самарали ва қизиқарили бўлиши учун Ўзбекистон Ёзувчилар уюшмаси, Бадиий академия, «Қамолот» ёшлар ижтимоий ҳаракати каби ташкилотлар билан яқиндан ҳамкорлик йўлга қўйилган.

Қайд этиш керакки, Президентимиз Ислам Каримов томонидан жорий йил Ҳомийлар ва шифокорлар йили деб эълон қилинган муносабати билан шахримиздаги Меҳрибонлик уйлари ва мақсуслар мактаб-интернатларда ҳам ана шундай тўғараклар очилиши кўришилди.

Назокат УСМОНОВА,
ЎЗА мухбири

**ПОЙТАХТИМИЗДАГИ ХАЛҚАРО БИЗНЕС МАРКАЗИДА
ЮРТИМИЗДА ЖАДАЛ РИВОЖЛАНИБ БОРАЁТГАН АХБОРОТ
ТЕХНОЛОГИЯЛАРИ СОҲАСИГА ХОРИЖИЙ ИНВЕСТИЦИЯНИ
ЖАЛБ ЭТИШГА БАҒИШЛАНГАН ВИДЕОКОНФЕРЕНЦИЯ
ЎТКАЗИЛДИ.**

АХБОРОТ ТЕХНОЛОГИЯЛАРИ РИВОЖИГА БАҒИШЛАНДИ

Ўзбекистон Савдо-саноат палатаси томонидан ташкил этилган мазкур анжуманда шу соҳада фаолият юритаётган мутахассислар, хорижий ишбилармонлар ҳамда дипломатик корпус вакиллари иштирок этди.

Бугунги кунда ахборот технологиялари жамият ҳаётига тежорлик билан кириб келмоқда. Шу боис, Президентимиз Ислам Каримов ташаббуси билан ахборот технологиялари соҳасини ривожлантиришга алоҳида эътибор қаратилаётган. Зеро, жамиятнинг ислоҳ қилиши ва иқтисодий ислохотларини чуқурлаштириш кўп жиҳатдан ана шу соҳа ривожига ҳам боғлиқ.

Мамлакатимизда телекоммуникация тизимининг тубдан модернизация қилиниши натижасида уяли алоқа ҳамда интернет тармоғидан фойдаланувчилар сони тобора ортмоқда. Юртимизда 2005 йилда уяли алоқадан фойдаланувчилар 750 минг нафардан ошди, интернет провайдерлари сони салкам 600 тага етди

ҳамда ушбу тармоқдан фойдаланувчилар эса 780 минг нафарни ташкил этди.

Айни вақтда мазкур соҳада ўз ечимини кутаётган масалалар ҳам йўқ эмас. Хусусан, ҳали барча ҳудудларда ҳам телекоммуникация кўнгилдагидек шаклланиб бораётган йўқ. Бу эса хорижий инвестицияни кўпроқ жалб этишни тақозо қилади.

Тадбирда Ўзбекистонда ахборот-коммуникация технологиялари ривожланишининг истиқболлари, мамлакатимиз дипломатик ваколатхоналари билан тўғридан-тўғри телемулоқот ўтказилиб, унда иштирокчилар ўзларини қизиқтирган барча саволларга атрофчи жавоб олдилар.

Акмал НАЗАРОВ,
ЎЗА мухбири

ЎЗБЕКИСТОН ТОКИО ФЕСТИВАЛИДА

**ЯҚИНДА ТОКИОДА XIV ХАЛҚАРО МАДАНИЯТ
ФЕСТИВАЛИ БЎЛИБ ЎТДИ. У СЕТАГАЯ ШАҲАР
МАЪМУРИЯТИ ҲАМДА ЯПОНИДА АЁЛЛАР
ТАЪЛИМИНИ РИВОЖЛАНТИРИШ УЮШМАСИ
(IWEA) ТОМОНИДАН ТАШКИЛ ЭТИЛДИ. УШБУ
МАДАНИЙ ТАДБИРДА ДУНЁНИНГ 30 ДАН ЗИЁД
МАМЛАКАТИДАН, ЖУМЛАДАН, ЎЗБЕКИСТОНЛИК
ВАКИЛЛАР ҲАМ ИШТИРОК ЭТДИ.**

Мазкур аънавий халқаро анжуманда дунёнинг турли халқлари маданияти, урф-одатлари ҳақида маълумот берувчи ранг-баранг экспонатлар намоиши этилиши билан бирга қўллаб-мамлakatлардан келган фольклор дасталарининг чиқишлари ҳам тадбир иштирокчилари эътиборига ҳавола этилди.

Таъкидлаш жоизки, мамлакатимиз экспозицияси анжуманинг энг гавжум бўлиналаридадан бири бўлди. Халқимизнинг моҳир усталари томонидан яратилган ҳунармандчилик маҳсулотлари, санъат асарлари, қолғу асбоблар, миллий меъморчилик намуналари ҳамда мамлакатимиз сайёҳлик салоҳиятини ифода этувчи суратлар бурчаги тадбир иштирокчилари ва меҳмонларда катта қизиқиш уяғотди.

— Ўзбекистон экспозицияси ўзига хослиги билан доимо бошқаларидан ажралиб турган, — деди IWEA уюшмаси президенти Ёширо Оно "Жаҳон" ахборот агентлиги мухбири билан суҳбатда. — Мамлакатимизга нисбатан бўлган қизиқишнинг нақадар юқори эканлигини Регистон майдони тасвирланган суратга ҳайрат билан боқайтган меҳмонларнинг кўзларидан ҳам билиб олиш мумкин. Агар суратгаки шундай эътибор мавжуд экан, унинг ўзини кўрганда инсон қандай ҳаяжонга тушиб қолганлигини тасаввур этиш қийин эмас.

Акмалжон КҶЧКОВ,
"Жаҳон" АА мухбири
ТОКИО

**XXI АСР
САДОСИ**
БАРЧА МАНБАЛАРДАН ОЛИНГАН
СЎНГИ ХАБАРЛАР

МАМЛАКАТИМИЗДА

• 31 январь — 2 февраль кунлари Ўзбекистон Республикаси Олий мажлиси Қонунчилик палатасининг навбатдаги мажлиси бўлиб ўтди. Депутатлар Олий Мажлиси Қонунчилик палатасининг 2005 йилдаги фаолияти ҳақидаги ҳисоботи, шунингдек, Қонунчилик палатаси 2006 йилги фаолиятининг асосий йўналишларини кўриб чиқдилар. Билдирилган фикр-мулоҳазаларни ҳисобга олган ҳолда, депутатлар мазкур ҳужжатларни маъқуллаб, тегишли қарорлар қабул қилдилар.

• Мирзо Улуғбек номидаги Ўзбекистон Миллий университетида «Ҳозирги замон географияси: назария ва амалиёт» мавзусидаги икки кунлик халқаро илмий-амалий анжуман низомига етди. Ушбу тадбирда мамлакатимиз олимлари, тегишли вазирлик, қўмита, идора ва халқаро ташкилотлар вакиллари, Қозоғистон, Тожикистон, Қирғизистон ва Туркменистондан келган мутахассислар иштирок этди.

• Плеханов номидаги Россия Иқтисодиёт академиясининг Тошкент филиалида «Учинчи минг йиллик бошида таълим ва ижтимоий-иқтисодий ривожланиш» мавзусида XIX Халқаро Плеханов ўқишларининг сайёр конференцияси бўлиб ўтди. Анжумани ўтказишдан асосий мақсад турли мамлакатлар ўртасида илм-фан ва таълим соҳасида алоқаларни йўлга қўйиш, шунингдек, учинчи минг йиллик бошида миллий иқтисодиётни ислоҳ қилиш жараёнларининг илмий-услубий ҳамда амалий асосларини муҳокама қилишдир.

• Нукусдаги Муҳаммад Юсуф номидаги Ёстон академик лицейида газал мулканининг султони ҳазрат Алишер Навоий таваллудининг 565 йиллигига бағишланган Навоий-хонлик кечаси бўлиб ўтди.

• Жиззах вилоятининг пахта тозалаш заводларида қайта ишланган тайёр маҳсулот «Пахтакор тола базаси» масъулияти чекланган жамиятига юборилди. Ушбу терминал айна пайтга қадар хорижий харидорларга жами 16 тонна пахта толаси етказиб берди.

• Балиқчи туманидаги «Baliqchi tex» Ўзбекистон-Германия-Швейцария қўшма корхонаси фаолият бошлаганига бир йилдан ошди. 300 нафарга яқин ишчи меҳнат қилаётган ушбу жамоада иш уч сменада ташкил этилган бўлиб, бу маҳсулот тайёрлаш ҳамда ўсишига хизмат қилмоқда. Ўтган йилнинг биргина декабрь ойида бу ерда 200 тонна қалава ип ишлаб чиқарилиб, унинг 166,7 тоннаси экспортга жўнатилди.

• Замонавий санъат марказида Ўзбекистонда хизмат кўрсатган санъат арбоби, профессор Рафъул Тоқтош ижодида бағишланган ижодий кеча ўтказилди.

• Ғаллаорол саноат касб-ҳунар коллежида «Таълим узлуксизлиги ва узвийлиги самарадорлигини ошириш» мавзусида кўргазмали семинар бўлиб ўтди.

• Наманган вилояти, Тўрақўрғон туманидаги марказий шифохона қўмисига бағишланган янги қиёфа касб этадиган бўлди. Шифохонани тўла таъмирлаш учун 51 миллион сўм маблағ сарфланиши кўзда тутилган. Унинг 20 миллион сўмга яқинини Ҳомийлар ўз зиммаларига олишди.

ЖАҲОНДА

• Фаластин мухторияти парламенти сайловларида ғалаба қозongan ХАМАС радикал гуруҳи Исроил ҳукумати билан келишувга эришиш масаласида халқаро ҳамжамият билан музокаралар ўтказишга тайёр эканлигини билдирди. Бу ҳақда гуруҳ етакчиларидан бири Муса Абу Марзук маълум қилди.

• Ливан пойтахти Байрутдаги қуролли кучлар қисми ёнида кўпуровчилик содир этилди. Дастлабки хабарларга кўра, портлашдан ҳеч ким зиён кўрмаган. Маҳаллий газеталарнинг бирига кўнғироқ қилган номаълум шахс кўпуровчиликни «Ал-Қоида» террорчи ташкилоти амалга оширганини билдирган.

• Чеченистонда ўғирлаб кетилган ва бедарак йўқолган кишиларни излаб топиш бўйича депутатларнинг ишчи комиссияси тузилди.

• Украинада парранда гриппининг янги ўчоқлари топилди. Жумладан, Қора денгиз соҳилларида 100дан ортиқ ёввойи қушларнинг ўликлари топилиб, текшириб кўрилганда уларнинг кўпчилиги танасида ушбу касаллик белгилари мавжудлиги маълум бўлди.


• Ла-Манш кўлигида ўн минг тонна фосфор кислотаси ортилган «Эйс» кемаси Польшанинг юк ташиш баржасига урилиб кетиши оқибатида сув тагига чўкиб кетди. Кемани қутқариб қолиш бўйича кўрилган барча чоралар муваффақиятсиз аяқланди. Кема бортидаги барча экипаж аъзолари Британия кутқарув вертолётлари ёрдамида қутқариб қолинди.

• Россиянинг икки шахри — Владикавказ ва Иркутскда грипп эпидемияси бошланди. Яна бешта шаҳарда икки ёшгача бўлган болалар ўртасида ушбу касалликнинг кен тарқалиш хавфи бор.

ОБ-ҲАВО МАЪЛУМОТИ

Гидрометеорология Бов бошқармасининг хабар беришича, 4 февраль кун Тошкентда ҳаво ўтағирб туради, ёнгарчилик бўлмайдди. Айрим жойларда туман тушади. Ғарбдан секундида 2-7 метр тезликда шамол эсади. Кечаси 1 даража совуқ билан 1 даража ийик, кундузи 6-8 даража ийик бўлади.

Маҳмуд ҲАСАНИИ ва Ҳамиджон ҲОМИДИИ
тайёрлашган



19.00 «Сегодня. Итоговая программа»
19.55 «Чистосердечное признание»
20.55 Сериал «Улицы разбитых фона-
рей - 6»
22.00 «Воскресный весер с Владимиром
Соловьевым»
23.15 Фильм «Парниковый эффект»
01.15 Фильм «Арктическое испытание»
02.55 Фильм «Отелло»
05.10 «Анимационное пространство»

Қорхона манзили: «Буюк Турон» кўчаси, 41-уй.